

fœniculi an. ℥ij.

folior. fenæ mundat. ℥ss.

Coquantur in aqua, vt colatura redeat ad ℥iiij. In quibus dissolue Electuar. diacarthami & diaphœnic an. ℥iiij. aq. cinamom. destill. sine vino ℥ss. Misce. fiat potio.

Tandem Emplastrum aliquod adstringens applicui, & subligaculum adaptaui. Sic diuino fauore grauissimo hoc, periculosóque affectu liberatus fuit.

EXEMPLVM II.

IOHANNES HOFF. Grammateus Hildene, Compater meus plurimùm honorádus, à multis annis Enteroccele grauissimè vexatus, cùm Anno 1593. in itinere aliquo modo defessus, in terrâ somni capeffendi gratia decumbens, obdormiisset, intestinum ad magnitudinem ferè capitis infantis in scrotum prolapsum est, quod quia illicò repositum non fuerat, ab aëre tùm temporis satis frigido in ipso scroto frigefactũ & inflatum est. Hinc dolore exorto, ipsóque à somno expergefacto, vix domum (à qua iter vnius horæ aberat.) præ maximo cruciatu redire potuit. Ego ad illum accersitus, ipsum quasi semianimen, cum animi deliquis, vomitionibus frequentibus, iisque fœtidis, offendi. Dolores item tam maximi, tamque frequentes aderát, vt subindè sese ex vna in alteram lecti partem iactare, coactus esset. Statim itaque suprascriptum Enema exhibui, & sacculum loco affecto applicui. Postea pedibus eleuatis capitéque decliui posito, intestinum felici-